



Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

16. Quomodo quidam Lutheranus cum taurum furatus esset, liberatus metu faciendæ exomologesis, tandem alterum furatus, suspensus sit.

[urn:nbn:de:hbz:466:1-52445](#)

584 COLLATION. SACRARI
posturam absoluti alicuius & irreprehensi-
bis doctoris, qui nihil à se scriptum dictumve
retractasset, qualis videri haberique ab om-
nibus cupiebat, nomen sibi & opinionem pr-
rare conabatur.

*Ex historia belli Liuonici, quomodo quidam
Lutheranus cum taurum furatus esset, liber-
atus metu facienda exomologesis, tandem
alterum furatus, suspensus sit.*

C A P. X V I.

IN ciuitate Torpatensi circiter annum Do-
mini 1555. Lutheranus quidam Ecclesiastes,
triginta agricultores ad genua prouolutos ha-
bebat, quos confessione facta sacramentalia ab-
solutione à peccatis exoluere debebat. Man-
dat igitur omnes Deo confiteantur, solidum
sive nummulum (quem confitentes parochio
dare consuerant) altari imponere iubet, de-
inde certam absolutionem promittit, poenitentiam &
satisfactionem commentum esse
papisticum, hanc neutquam requiri. Erat au-
tem inter confitentes quidam præ alijs simpli-
ci ingenio, qui domino suo iumentum farto
abegerat. Hic absolutionem consecutus, do-
mum lætabundus reuertitur, gaudium ex fo-
lici confessionis successu conceptum, proli-
nus in vxoris sinum effundit. Metuebam, in-
quit, cùm parochum confessurus accederem,
ne iuberet abductum taurum restituere, aut
gehennæ incendio me furtum luiturum mi-
naretur: iam autem uno recepto solidῳ, om-
nes

nes mihi noxas ignouit. Non multò post idem alium bouem furatur, & in ipso facinore deprehensus, fatetur neutquam se illud admirum fuisse, si non tam facilem se præbuisset parochus in delictis ignoscendis, eaqué res plurimos ad grauiissima facinora stimulabat, adeò ut summam in domestica familia perfidiam patresfamilias persentiscerent, ac tam extiales istius Euangelij fructus grauiter abominarentur.

Ex vita S. Bonifacij Archiepiscopi Moguntini, Germanorum Apostoli & martyris, quæ habetur in tomis Lauren. Surijs. Iulij. Brevis historia de Aldeberto heretico, de nequitia eius, & quomodo circa confessionem sacramentalem se gesserit.

C A P. X V I I.

Aldebertus in primæua ætate hypocrita fuit, dicens quod sibi angelus Domini in specie hominis de extremis finibus mundi mirè, & tamen incertè sanctitatis reliquias attulerit, & exinde potuerit omnia, quæcunq; poposcerit, à Deo impetrare. Hac ergò simulatione, sicut Apostolus Paulus prædixit, penetravit multorum domos, & captivas duxit post se mulierculas oneratas peccatis, quæ ducebantur varijs desiderijs, & multitudinem rusticorum, dicentium quod ipse esset vir Apostolice sanctitatis. Præterea conduxit episcopos indoctos, qui se contra præcepta canonū absolute ordinauerunt. Vnde in

Oo 5 tan-